

МЕСЯЦА ФЕВРАЛЯ В 13-Й ДЕНЬ

ПРЕПОДОБНОГО ОТЦА НАШЕГО СИМЕОНА, СЕРБСКОГО УЧИТЕЛЯ И МИРОТОЧЦА

Блажен муж, 1-й антифон

На Господи воззвах, стихиры на 8, глас 5-й:

Радуйся Симеоне блаженне, разумом Троицы озарився, и люди твоя к ней верою просветил еси, и силою креста укрепляем. Душегубительная ереси низложил еси и силою Церкви святых воздвигл еси, славити воплощагося Сына, равна Отцу и Духу научил еси, правдою и милостию украшаяся, и всеми делы Божественными обогащаемъ явился еси: и ныне со безплотными радуяся предстоиши, с нимиже Христови молися, душам нашим подати велию милость. (Дважды)

Радуйся Симеоне богоносе, истинною любовию уязвився, нас ради на земли странствовавшего, и от Девы Воплощагося Христа Бога, Царствия красная преобидел еси, рода же и чад учуждився, человеки удивил еси устранением мира, бесы пограбил еси смирением твоим, ангельския лики радости исполнил еси: с нимиже водворяяся, света исполняяся Божественнаго, и пребогатого наслаждаяся сияния: Христови исполнил еси: с нимиже водворяяся Христови отче молися, даровати мирови велию милость.

Преподобне отче Симеоне досточудне, горы Ифона дошед, и ревнитель быв в ней постыцимся, юношески в старости подвижся воздержанием и молитвами, село, душу твою обновив, и тучами слезными наполни сию, Троицкую благодать в ней посеяв, и возрадив, и красное тоя ныне явился еси приятилище: ныне же рака твоя явися исполнь Святаго Духа. Мирю исцеления изливающимъ, юже мы людие твои обстояще блаженне, молитвами молимся Христу Богу, даровати нам велию Милость.

Стихиры о миронзантин его, глас 2-й.

Мирю благовоно, яко река Духа благодатию наводняема, рака мощей твоих яве источает, и бесов полки мысленно погружает, благочестивых же людей страсти и черноту очищает, и душ скверны омывает, и сердца веселием напаяет, тебе, отче,

предстоящих и молящихся ко Господу: молитвами твоими избавитися душевных томлений. (Дважды)

Плотское родительство, в духовное сыновство повинув, твоему сыну юноши, в старости послушав в пустыни Симеоне явился еси. Темже и во гробе, яко жив сый послушал еси, послание его любовию прием, мир от мощей твоих источил еси иже верою черплюще богатимся. Тем сердца и души освящающе, вас Прославльшаго Христа величаем, яко Дивна во святых Своих.

Источивый воду из суха камене, существо естества претворяяй якоже хочет, иже вся твари Господь крепостию, и стенописанное твоего образа подобие из сухаго вара мироточиво Симеоне отче явил есть. И яко древле непокориваго израиля благопокоривая люди твоя удивляет, знаменми же и чудесы прославляет пред ними, яко Моисея Своего угодника.

Глава, глас 6-й.

Всечестный праздник святых твоя память, Симеоне отче всеблаженне, любовию собравшеся достойно увлажяюще глаголем: радуйся, благочестия начало людей твоих, из нихже терние ереси искоренив, православныя веры лозу насадил еси. Радуйся, Троицы поборниче, Церквей воздвижение, и нищих богатителю. Радуйся, смирения образе и странствия учителю, иже текущее царство отринув, постнически в пустыни пожил еси, и ныне со ангелы у Христа веселишися, к Немуже о нас с ними молися, спаситися душам нашим.

И ныне, Богородичен Догматик, глас 6-й.

Кто Тебе не увлажит, Пресвятая Дево; / кто ли не воспет Твоего Пречистаго Рождества; / безлетно бо от Отца возсиявый Сын Единородный, / Тойже от Тебе, Чистая, пройде, / неизреченно воплощься, / естеством Бог Сый, / и естеством быв Человек нас ради; / не во двою лицу разделяемый, / но во двою естеству / неслитно познаваемый. / Того моли, Чистая Всеблаженная, / помиловатися душам нашим.

Вход. Прокимен дня. Паремии трн.

Царств третьих чтение. (3 Цар 8:22-23, 27-30)

Ста Соломон пред лицем жертвенника Господня, пред всем собором Израилевым, и воздев рuce свои на небо, и рече: Господи Боже Израилев, несть Бог, якоже Ты на Небеси горе, и на земли доле. Яще во небо, и небо небесе не довлеют Тебе, како дом сей, егоже создах имени Твоему? Обаче и призриши на молитву мою, Господи Боже Израилев, услышати моление и молитву, еуже раб Твой молится пред Тобою к Тебе днесь. Да будут очи Твои открыты на дом сей день и ночь, на место сие, о немже глагола еси: будет имя мое тамо, еже услышати молитву, еуже молится раб твой на месте сем, во дни и нощи; и послушати мольбу раба Твоего, и людей Твоих Израиля. Елика аще помолятся к Тебе на месте сем, и Ты услышиши на месте жилища Твоего на Небеси и сотвориши, и милостив будеши им.

Премудрости Соломонни чтение (Прем 3:1-9)

Праведных души в рuce Божней, и не прикоснется их мука. Непщевани быша во очесех безумных умрети, и вменися озлобление исход их. И еже от нас шествие сокрушение, они же суть в мире. Иво пред лицем человеческим, аще и муку примут, упование их безсмертия исполнено. И в мале наказани бывше, великими благодетельствовани будут: яко Бог искуси я, и обрете их достойны Себе. Яко золото в горниле искуси их: и яко всеплодие жертвенное прият я. И во время посещения их возсияют, и яко искры по стеблю потекут. Судят языком и обладают людьми, и воцарится Господь в них во веки. Надеющийся Нань разумет истину, и верни в любви пребудут Ему. Яко благодать и милость в преподобных Его, и посещение во избранных Его.

Премудрости Соломони чтение (Прем 4:7-15).

Праведник, аще постигнет скончатися, в покои будет. Старость во честна, не многолетна, ниже в числе лет исчитается. Седина же есть мудрость человеком, и возраст старости – житие нескверное. Благоугоден Богу быв, возлюблен бысть, и живой посреде грешник преставлен бысть. Восхищен бысть, да не злоба изменит разума его, или леть прельстит душу его. Рачение во злобы помрачает добрая, и парение похоти переменяет ум незлобив. Скончався в мале, исполни лета долга, угодна во бе Господу душа его, сего ради потщася от среды лукавствия. Люди же видевшие и не разумевшие, ниже положше в помышлении таковое, яко благодать и милость в преподобных Его и посещение во избранных Его.

На литии стихиры самогласны, глас 4-й.

Блажен еси воистину Симеоне отче досточудне, ты во истинное совершение евангельски подражав, богатство раздал еси требующим, и взем крест твой богоносе, сим учащему последовал еси, земными небесная изменив, тленными славу нетленную возмездил еси радуяся, и ныне со ангельскими лики, на небесех царствуеши Христу Богу: Богоже моли преподобне, всякия соблазны змиевы избавитися, на земли твою память творящим.

Тайными на небеси блистаньми, Пресветлая Троицы озаряем Симеоне присноблаженне, причастием Божией благодати высок бываеши: источаеши бо на земли миро исцеления, обогащая верою приходящия, но яко престолу предстои Христа Бога, от Негоже отче обожаем, верою твою память творящим Божественную, от искушений многообразных моли избавитися, и спастися душам нашим.

Разшедшася по земли яко исполнителя Евангелия, отечество и род остависта: обаче, и по смерти живуща, люди своя всячески не остависта: Божиим бо мановением от чужестранствия во своя приидоста. Темже и Церковь Божия весело мощи ваша прият, и сима украсившися радуется, мысленно же исповедается глаголющи: просветися доброта моя, паче всякия лепоты: величит слава моя Господа, воздавшаго ми двоицу святую, Сына со Отцем невестовождя, и утверждение веры, приятие достоинств монах: се бо архиереев великий верх, савва прехвальный, и симеон дивный и многопетый шествие Духом на небеса сотворша, в недрах монах телесно пакы водвористася, приидите праздничколюбцы коегождо их вкупе похвалим: оваго убо, яко царство оставивша, в пустыни постившася, смиренном вознесенна, и миро источающа. Оваго же пустынное воспитание, яко мученика пощением, и яко апостолов проповедание, обоя изящне трудившася, и во всех Христу угождашая. К Немуже яко имуще дерзновение, молитася спастися душам нашим.

Глава, глас 5-й

Вострубим трубою песней, вся к похвалению достойному, Богоносная отца ныне созывающе. Царне и князи да дивятся, иже всех Царя искренними рабома, онаже князя тмы, смиренном низложиста. Пастырие и учителя, преподобнии же и

постницы вси сошедшеся восхвалим: отца убо, яко перваго веры наставника, реку милостынн, скорбных утешенне, и всех болящих милованне. Сына же, яко молитвами Богоданна, и млеко пощения воспитанна, изрядна пастыря же и учителя: оба наставника людей своих, и тепла к Богу молитвами предстателя, онаже похваляюще, сице рцем: от отца и пастыря, добрая, Симеоне преподобне, и Савво Священне: Троице ныне яко предстонта, молита спаситися душам нашим.

И ныне Богородичен, Германа патрнарха: глас 5-й:

Вострувим трувою песней, преклоньшися бо свыше Всецарица Мати Дева благословеньми венчавает воспеваущи Ю.Царне и князи да стекутся, и Царице да воспещут в песнях Царя Родшю, смертию одержимыя первее, разрешити человеколюбно благозволившаго. Пастыре и учителя добраго пастыря, Пречистую Матерь истово да восхвалим, свещник златозарный, светоносный облак, небес пространнейшю, одушевленный же кивот, огнеопасный Владычен Престол, манноприемную Златую Стамну, заключенную Слова Дверь. Всех христиан Прибежище, песньми Богоглаголивыми похваляюще сице рцем: Палато Слова, сподоби смиренныя ны Небеснаго Царствия, ничтоже бо невозможно ходатайству Твоему.

На стиховне стихирь, глас 1-й

Небесных красот сиянием, разумно отче просвещаемь, вся яже на земли красная оставив, и за вся Христа стяжав: тем светлюю твою память песнями славим, и твой гроб святой верою облобызаем, молящейся, молитвами твоими ко Господу, получитьи Живота Вечнаго светлости.

Стих: Блажен муж боятся Господа, в заповедех Его восхощет зело.

Пришествием святых мощей твоих, отечество твое обогатися, и светлая Церковь твоя сия приемши, и мироподательныя и мущи красится, и вся верныя созывает, светоносную и святую память твою праздновати, тайно к ним глаголющи: струи исцеления, миро почерпите веру, яко верно дающе приходящим, празднующыя примите.

Стих: Честна пред Господем смерть преподобных Его.

Пророческая словеса совершаемая видяще, глаголем: праведницы во веки живут, от Тебе Христе воздаянием: се бо отец с сыном и по смерти паче Живота хвалими. Ов убо миро источая явися: ов же цел и неразрушимь благоухает, ова отгоняща дүхи лукавствия, от Тебе прославляема свыше: ова чудеса удивляема, силою Твоею.

Глава, глас 3-й

Благочестия истинная проповедника, и Церкви пресветлей звезде, Симеона первого веры поборника, Савву же истинного учителя, и служителя Евангелия, и сказателя Христовых священных таин, о боя песньми похвальными почтим. Сия бо паче солнца просияста в верней тверди, Яковенко лучами учением, в ноши неведения сүщия возведоста. Сия плевелы злочестия истерзавша, благочестием люди своя возрастиста.

И богатүю правоверием нивү возделаста. Сия истинного винограда Христова грозд зрел, истиннүю верү, на стеблях чад своих носита: егоже вернии ядүще, с веселнем стещемся к нима, молящися: Симеоне Богоносе, Савво Священне, сербская похвало и удобрение: пастыря и учителя, первого пастыря и учителя Христа молита: дүшам нашим подати велию Милость.

И ныне, Богородичен, глас 3-й:

Без семени от Божественнаго Дүха, волю же Отчею, зачала еси Сына Божия: от Отца без матере прежде век сүща, нас же ради, из Тебе без отца бывша, плоть родила еси, и Младенца млекоу питала еси: темже не престай молити избавитися от бед дүшам нашим.

На благословении хлебов, тропарь, глас 3-й:

Божественною благодатию просветився, / и по смерти показүеши светлость жития твоего, / источаеши во миро благоухания / притекающим к раце мощей твоих, / и люди твоя настави еси к светү Богоразүмня, / Симеоне отче наш, / Христа Бога моли / даровати нам велию милость. (Дважды)

И «Богородице Дево, радүйся...» (Единожды)

На утрени

На «Бог Господь», тропарь святаго дважды, Слава и ныне, Богородичен.

По 1-й кафизме, седален, глас 8-й:

Милостива Бога, милостию себе отче устроиши хотя, милостив стяжал еси разум, и милостивно нищия ущедрил еси: нестоящим богатством смысленно, во веки недвижимое искупил еси: еже ныне восприемля радующися, Симеоне богоносе, и всеблаженне: моли Христа Бога, прегрешений прощение даровати, чтущим любовию святую память твою.

Слава и ныне, Богородичен:

Яко Деву и Едину в женах, Тя безсеменно рождшую Бога плотию, вси блажим роди человечести: огонь бо вселися в Тя Божества, и яко младенца млеко питаеши Зиждителя и Господа. Тем ангельский и человеческий род достойно славим всесвятое Рождество Твое и согласно вопием Ти: моли Христа Бога, прегрешений оставление даровати, поклоняющимся верою Пресвятому Рождеству Твоему.

По 2-й кафизме, седален, глас 1-й:

Утро благолепно возсияв людем твоим, тму глубокую ереси отгнав отче, и души их просветил еси верою. Темже Церковь твоя светозарная, мощи твоя имущи, поет днесь светоносную твою память Симеоне, Христа величающе.

Слава и ныне, Богородичен:

Настави ны на путь покаяния, уклоняющияся присно к безпутнем зол, Преблагаго прогневающия Господа, Нискусобрачная Благословенная Марие, прибежище отчаянных человек, Божие пребывание.

По полнеее седален, глас 8-й:

Миродержания и мирских красот яко сония льстящая оставив, и во афонстей пустыни с сыном вселився, идеже словесное стадо Господеву собравша, имже и всесветлая светильника явистеся смирением проходяща. Темже любовию восхваляюще, величаем исходную всевятую вашу память, молящеся богоносная отца, савво и симеоне Христу Богу, паству вашу в мире, и союзе любве сохранить.

Слава и ныне, Богородицен:

От Троицы Единого преестественно зачешьши Дево, и чудно сего породила еси паче слова и мысли, и общно Божественнаго естества устроила еси человеческое естество, древле изгнанное. Темже сошедшеся, Рождеством Твоим вси спасшися Всенепорочная, Твоим словесем последующе должно тя ублажаем: моляще Христа Бога прегрешений оставление даровати, вероу Тя славящим Матерь Его.

Таже степенна, 1-й антифон, 4-го гласа.

Прокимен, глас 4-й: Честна пред Господем смерть преподобных Его.

Стих: Что воздам Господеву о всех, яже воздаде ми.

Всякое дыхание:

Евангелие от Матфея, зач.43.

По 50-м псалме стихира, глас 6-й:

Возсия днесь преславно, всесветлая твоя Симеоне память, созывающи ны празднующцы, к похвалению во славе Христа Бога нашего: иже прирещуще к раце мощей твоих, миротселения дары приемлем. Но яко имея дерзновение, мир испроси душам нашим.

Канон Пресвятыя Богородицы, со ирмосом на 6, гласа 8-й.

Канон святого, глас 4-й.

Песнь 1.

Ирмос: Лицы израильстии, невлажными стопами понт чермный и влажную глубинну прогнавше, всадники тристаты, враги, видяще в ней погружены, с веселием пояху: поим Богу нашему, яко прославися.

Фесвитянина ревностию, студныя ереси потребил еси: с нимже ко Христу, молитвами твоими студныя моя помыслы потривити молнся. Яко да возмогу дерзновенно похвалити тя Симеоне богоносе присноблаженне.

Егда сиянием Пресвятыя Троицы преподобне отче озарився, ереси мрак оставив, люди твоя возвел еси от тмы неведения, во свете Богоразумия, Симеоне Богоносе, и присноблаженне.

О Боже вероу возмогая, еретическое шатание низложил еси, и рогверных Церкви вознесл еси, Христа Отцу Сына Единосущна, и Духу равночестна, Троицу Неразделимую во Едином Божестве люди твоя чести научил еси.

Богородицен: Добротою благодати Преукрашенная Богорадованная, Отчее Слово плотию явльшееся, за благосердие неизреченное, паче ума и слова Благословенная родила еси: пребывши Девой по Рождестве Нескверная.

Песнь 3.

Ирмос: Не мѹдростию, и си́лю, и бо́гатством хва́лимся, но Тобо́ю, О́тчею Ипостáсною Мѹдростию, Христе́: не́сть во свѣт, пáче Тебѣ́, Чело́веколю́бче.

О благочестии завидим, братнюю ненавистию в темнице затворяешися: идеже образом мученика Георгия, ангел отче является ти, тяжкия оковы от тебе растерзая, и от смертоносныя ямы, Симеоне, изведе тя.

Сѹемѹдренный плача достоин, о твоей любви негодѹя, Канин нравом, паки ѹбити тя покусиа, множество иноплеменных на тя совокупив, яже о Господе возмогая, копие обращаая Симеоне низложи еси.

Иже на тя сети ѹготовав, в них подобно ѹвязает, Богу месть свою на нем отдавшу: и якоже древле морем Фараона, и сего речными водами потопа, тебе отче прославляя достойно, яко на Него ѹповавши.

Богородицен: Еди́на Ты поро́ка непричастна, и скверны не имѹщи Дево Чистая, поконще же паче явилася еси небесных благ, в Тя бо вселиа Христо́с, добродетели Вся Свѣтыня Пренепорочная: Сгоже моли поро́ка нас избавити молитвами Твоими.

Седален, глас 8-й:

Другий Авраам нравом и дела являса еси, милостию и верою украшаяся, отечества и рода изшел еси Бога послушанием, и в странах чуждых ѹгодно тому пожил еси, тем и Авраамле причастие тебе даровася, идеже ныне восприемля радѹешися: и рака мощей твоих источает миро исцеления, твоя сыны веселяши поущия тя: Симеоне отче Богоносе, моли Христа Бога прегрешений оставление даровати, чтѹщим любовию свѣтѹю память твою.

Слава и ныне, Богородицен:

Сгда придет сѹдити всю землю, всех Владыка и Творец, овцам мя сопричти десным осѹжденнаго: и кромешния тьмы, и всякаго мучения, твоего непотребнаго раба исхити молюся да благодарно величаю богатство твоея благости Богородице Всенепорочная, и вопию Ти радѹяся: молюся Христу́ Богу прегрешений оставление дати мне, Тебе бо имам Надеждѹ раб Твой.

Песнь 4.

Ирмос: Любве ради, Щедре, Твоего образа на Кресте Твоем стал еси, и растаяшася языцы: Ты бо еси, Человеколюбче, крепость моя и хваление.

Нераздельным светом Божества Трисветлыя Троицы Симеоне, люди твоя осиянием просветил еси: еуже отче возмогая волки еретики отгнал еси вопия: слава силе Твоей Господи.

Единством веры и надежды, и любве союзом душу твою преподобне имея утверждenu, милостив и прав сердцем явился еси: и сего ради яко праведнику свет истины возсия тебе, и того супругу веселие.

Доброты вожделев недомыслимыя, яже в житии добре устрои, светники же и чада оставив, богатство и царство отче преобидев, крестоносно пустыню наследовал еси, и с сыном упразднився, вопия: слава силе Твоей, Господи.

Богородичен: Оживи мя Единая Заступнице верных, Ты бо Мати Бога была еси, Творца же и Содетеля, приемша наш образ Пренепорочная, и спасшаго от тли и смерти, и славою Божиею прославльша.

Песнь 5.

Ирмос: Ныне возстану, – пророчески рече Бог, ныне прославляюся, ныне вознесуся, падшаго прием от Девы, и к Свету Умному возносяй Шего Божества.

Славен в житии земнаго царствия, богатством и силою явился еси, и сие постническим изменив, Христа Царя на земли воплощагося, нищете отче уподобился еси: тем многими тя дарми обогати есть.

Текущими нестоятельными, стоящая и вечнующая, и временными и тленными небесная изменив: идеже со ангелы ликую радуешися. О нас иже твою память Симеоне совершающих, молися.

О добрыя купли твоя, и премудраго пременения!погибающим богатством, вечное искупил еси, и нижнюю властью вышнее Царство изменив: в немже ныне отче веселяся, ко Христу о нас молися.

Богородичен: Истинную Тя Богородицу свемы Пречистая Владычице, и из Тебе Рождагося Бога Слова ведуще во двои существу проповедуема и воли, самовластно познаваему Христа Бога Матерь Богоневестная.

Песнь 6.

Ирмос: Буря мя многих согрешений моих потопляет, и изнемогает дух мой: но Ты, Господи, яко Жилостив, шед, возведи живот мой.

Научен вышней Симеоне премудростию, и нижняя презрев яко несущая, в пустыни пощением вселился еси, Богу же присно исповедаяся, и к нему отче любовь прилепляяся, радостно пожил еси.

Искусен в житии земному воинству, на супостаты победы многия поставив: и во иночестве смиренном и молитвами бесов полки мысленно победил еси Симеоне отче, во оная хвалимь.

Паче умных славы, райския доброты наслаждения, и света разумнаго сущия радости надежду отче увеселяем, в пустыни усердно с сыном пожил еси: тем у Христа во веки с ним Симеоне радуешися.

Богородице: О нас моли Сына Твоего, Господа же и Бога, Чистая Владычице, вседержительною силою вся Носящаго, в немощное плоти из Тебе облекшася, Дево Всенепорочная, на благодаяние человек Челоуколюбец.

Кондак преподобного, глас 6:

Ангельское возлюбив на земли житие, / миродержание и мир оставив, / пощением Христу, Симеоне, последовал еси, / к нему же любящих тя апостольски наставлял еси, вопия: / возлюбите Бога, якоже Он возлюбил нас.

Икос преподобного, глас 6:

Иже до распятия и смерти нас ради смиришагося, крест пощением смирился отче, понесл еси: и тем хвалящегося престол свой утвердити на облацех, якоже на гордаго доblesтвенне повигся, низложи еси. Тем вельми тя прослави Христос, Великий Дародатель: ему же ныне предстоя поминай, яко отечестволюбец, и от нападения противных стадо твое соблюдай неразсыпаемо, и умягчая миром твоя люди знаменай, губителя душ бежати от них творяй Симеоне молитвами твоими: апостольски же наставляя, и вопия любящим тя: возлюбите Бога, якоже он возлюбил нас.

Песнь 7.

Ирмос: Спасый во огни авраамския Твоя отроки, и халдеи убив, яже правда праведнаго уловляше: препетый Господи, Боже отец наших, благословен еси.

Юношески, в старости тесный путь шествовати изволив, к пространству рая, и древа животнаго достигл еси, идеже ныне наслаждаем радуешися, и нам сия достигнути, ко Христу Симеоне молися.

Ты на земли нищим, Бога отче взанмовав, иже тебе в небесных, преподобных и праведных причастие дарова, яко ревнителю их на земли бывшу: и ангелом равночестна тя устрои.

Богоже заповеди соблюдая Христа, любовь просвещаем, светлая мира оставив молвы же пустынею житейския избежав, и о Господе Отче поучаяся, премирную тишину получил еси.

Богородичен: О выше ума Твоих похвал Пречистая Дево! Яко Бога зачещи, содетеля же Творца и Господа: темже Тя вси роды человечести, и безплотных умов чинначалия тя блажат, и мы вси яко Матерь Божию, непрестанно Тя славим.

Песнь 8.

Ирмос: Избавителю всех Всесильне, посреде пламене благочествовавшия, снизшед, оросил еси и научил еси пети: вся дела, благословите, пойте Господа.

Чувственных доброт яко сония избежав, и мысленных получитьи вожделев, в гору святую вшел еси Симеоне, сына наставника подвигом духовным имея, желаемых не погрешил еси.

Единого желая к жизни ведущаго пути мира красных мимотекл еси. Тем премирное наследие стяжал еси, онудуже просветил еси души поющих тя, просвещения неизреченнаго Симеоне сподобляемь.

Солнце на земли добродетелию сына твоего обрет, того словесы отче просвещаемь, звезда светлейшая явился еси: с ним же предстоя Христу Богу, о нас хвалящих вашу память отцы молитесь.

Богородичен: Иже Отцу Единороднаго, и от небытия Отчим советом всяческая составившаго, Слова Божия Безначальна Боголепно родила еси, плоть бывшаго нас ради Человека. Сего ради Тя Богородительницу православно мудрствуем.

Песнь 9.

Ирмос: Ёва ўбо недўгом преслушання / клятву вселила есть, / Ты же, Дѣво Богородице, / Прозявѣнием чревоношения мiрови благословѣние процвѣла еси, / тем Тя вси величаем.

Мног в милости и во благодати обретеся, многих выше ума благ наследник явился еси, яко сын отеческих сокровищ. О великодарныя руки! О дарования превосходящего Христа прославльшаго Тя, отче Симеоне.

Єдинаго от Троицы Родившагося, Церковь светлу воздвигла еси, идеже твоя мироточивыя мощи, цельбу вероу приходящим подають. В нейже людие твои память твою, отче, ублажающе, Христа величаем.

Ныне святая твоя память, совершающих ю освящает, свято бо отче пожил еси житие, и светлости святых улучити сподобился еси: сподоби и нас улучити часть достояний твоих, не понося величеству прошения.

Богородицен: Єдинаго от Троицы, Єдина Мати бывши, со дерзновением Сыну Твоему молися, спасти от насилія мучительска, плененныя же и работы рабы Твоя: тихость же и спасение подати, Тя величающим.

СВЕТИЛЕН:

От Божественныя благодати отче просвещаем. Яраком ереси одержимыя просветил еси люди твоя: и жития светлости отрещися собою научил еси. Тем тя любовию чтим Симеоне мудре, монахов похвало.

Глава, ин светилен:

Яко два светила мысленныя тверди, страну людей своих вероу просвещаета. Темже память вашу честно совершающе, славим прославльшую вас Пресвятую Троицу: Симеоне и Гавво, двоице святая.

И ныне, Богородицен:

Иже Твой Всенепорочная Богородице образ не целует, во огонь вмещается геенский, якоже безумный Арий: мы же Пречистая, любовию лобызаем, Заступнице мира, вероу Тя славяще.

На хвалитех, стихиры на 4, глас 2-й:

Бгда на земли законно пожил еси, сокровище добродетелей обрется: дом отверст всякому любовию имея, сирых отец, и нищих заступник явился еси, милости же не пресыхаяй источник, милости ради Явльшагося на земли, Христа Слова Божия заповеди соблюдая, тем и во царствии Его ныне приемлен, Симеоне отче радуешися.

Бгда промышленiem Вышняго тебе жребий подадешя, первому поборнику Церкви во отечествии твоем быти, подвижно ереси отгнал еси, и вседушно церкви Богу воздвигл еси, православия же верою люди Твоя утвердил еси. Тем святую твою память почитающе, молитвами твоими ко Христу Симеоне, молимся: в день судный избавитися нам мучения.

Бгда ко Христу любовию уязвився, царствия красоты оставил еси, и радуяся тому последовав, усердно пустыню постигл еси, и в ней Богоугодно пожил еси: и ныне духовное во плоти действо, мертвво гробе, яко жив показуеши, миро источая, люди твоя освящаеши, Симеоне отечеству еси удобрение.

Яко звезда утро возвещающая, сияеши людям твоим преподобне: прежде возвестив им мысленное утро Христа Бога, и верою к Нему паче солнца просветив, ныне же покрываеши от озлобления враг, и от бурн всякия и беды отче изымаеши. Тем твою память совершающе Христа Спаса восхваляем, тебе прославльшаго, Симеоне.

Глава, глас 8-й:

С похвалою светло память твоя преподобне сотворяется, и радости наполняет твоя доблести похваляющия. Ты во давидски Богу, державен земли зело умом взявся, царство оставив, Христу последовал еси, и в гору святую пришед: идеже постнически с сыном подвижався, очи душевнии просветил еси, и свет Симеоне быв, к сиянию незаходимому преминал еси. С нимиже ныне Христу предстояща, молитвами вашима к Нему поминанта, стадо ваше сохранити от волков гувящих е.

И ныне, Богородичен:

Владычице прими молитвы рабов Твоих, и избави нас от всякия нужды и печали.

Блаженны: преподобного песнь 3-я и 6-я.

Прокіиєн преподобного, гла҃с 7: Честнѧ предъ Господемъ смѣрть преподобныхъ Свѣ.

Стѣхъ: Что воздамъ Господевѣ о всехъ, яже воздаде ми.

Апѡстольское чтѣніе преподобного: Галатамъ зач. 213 (гл. 5, ст. 22 – гл. 6, ст. 2)

Аллилуѧ, гла҃с 4: Праведникъ яко Финикисъ процвететъ, яко кедръ, иже въ Ливанѣ, умножится.

Стѣхъ: Насаждени въ дому Господни, во дворехъ Бога нашего процветутъ.

Евангелское чтѣніе преподобного: Лк., зач. 24 (гл. 6, ст. 17-23)

Причѣстенъ преподобного:

Въ пѧмять вѣчную бѣдетъ праведникъ, отъ слѣха зла не убойтѣся. Аллилуѧ. (Трижды).

Молитва преподобному отцу нашему Симеону Мироточивому – Чудотворцу

О преподобне отче Симеоне, Студеничскій чудотворче! Владыко
Сервскія земли Стефане и монашества похваление Симеоне предивный,
во дни земнаго царствія твоего никтоже неутешенный не отыде отъ тебе,
но всемъ радость и утешение милостивно даровалъ еси. Упаси виноградникъ
твой, отче преподобне, да не преданы будемъ въ сети сатаны, змиѧ
лѣкаваго. Просвети очи наша съ высоты Небесныя, да плена греховнаго
избегнемъ. Посети, свете, немощь нашу, вразуми и направи ны на стези
святости, да николиже оставитъ ны Любы Божія, да не престаеетъ молитва
твоя заступати Отечество твое. О вогоносне чудотворче, яко звезды
небеснии просіяли чудеса твоя во всехъ земляхъ христіанстѣхъ. Даруй намъ
отъ скверныхъ греховныхъ страстей освобождение и введи ны въ вѣчное Царство
Животворящей и Нераздельней Троицы, да мы съ тобою и всеми святыми
будемъ вѣчно прославляти и славити Бога Отца, и Сына и Святаго Духа
во веки вековъ! Аминь.